



2^{DA} SESSIONE URDINARIA DI U 2024
RIUNIONE DI I 28 È 29 DI NUVEMBRE DI U 2024

2^{ÈME} SESSION ORDINAIRE DE 2024
RÉUNION DES 28 ET 29 NOVEMBRE 2024

N° 2024/O2/062

**Question orale déposée par Mme Véronique PIETRI
au nom du groupe « CORE IN FRONTE »**

OBJET : CHI PULITICA PA A LINGUA CORSA?

« Je répète qu'il y a pour les races supérieures un droit, parce qu'il y a un devoir pour elles. Elles ont le devoir de civiliser les races inférieures... »

Hè cusì chì Jules FERRY, u 28 di lugliu di u 1885, davanti à a Camara di i Diputati difenda a pulitica culunialista francesa parlendu di benefiziu umanitariu aldilà di quiddu economicu o strategicu.

S'è cumenciu oghji parlendu di Jules FERRY hè chì i leggi di st'omu puliticu ani participatu à a morti di a nostra lingua è di a nostra cultura, sott'a u focu di a lingua francesa.

Da a Rivoluzioni francesa, durante seculi, è sin'a oghji, hè stata missa in piazza una pulitica linguistica di u Statu pà custruiscia una nazioni francesa pigliendu com'a fundamentu l'ubblicazioni di u francesu, cumbattendu i lingui materni.

« A partir de 1793, on va instrumenter la fonction identité de la langue... pour construire la nation française on choisit comme pilier la langue. »

Sò quisti i paroddi di Philippe BLANCHET, professori di socio-linguistica, tinuti durante a so vinuta calchì ghjorni fà, è chì hà ripigliatu sti fatti, ch'e no cuniscimi pà certi, ma chì appoghjani stu bisognu di riazzioni è di risponsabilità di a nostra istituzioni, davanti à a situazioni di a nostra lingua. Sapemi tutti comu à pocu à pocu, c'hè statu un travagliu di minurizzazioni, di devalorizzazioni.

« *La pratique de la langue devient un trauma, une sorte de blocage, de rejet à la transmettre qui se met en place, ainsi qu'un chantage économique... la reconnaissance sociale, la promotion socio-économique pousse à l'abandon des langues maternelles...* » « *Se met en place un énorme phénomène de dévalorisation...* »

Sta riflissioni purtata da u profissori BLANCHET ci parmetta una certa cunfirmazioni, una validazioni ufficiali di ciò ch'e no purtemi dipoi sempri, da un eminenti profissori.

Ringraziu u sgiò COLONNA d'avè urganizatu stu scontru chì mi dà l'uccasioni di rivena nantu à stu cartulari di prima impurtanza.

Ma st'audizioni ci metti dinò davanti a a situazioni pessima ch'e no cuniscimi oghji è à a nicissità di ripiglià u cumbattu.

S'e no fighjulemi i riazioni davanti à u discorsu di u präsidenti Talamoni, in u 2015, chì andavani sin'à parlà di « *violation de la Constitution, de défiance de l'autorité de l'Etat* », o più vicinu l'interdizioni d'utilizà a nostra lingua ind'è i deliberazioni di a nostra Assemblea da u prifettu, si vedi chì malgradu novi leggi è evoluzioni finti, nund'un hè scambiatu. Ùn parlaraghju mancu di i rimprovari fatti à i studenti, rigularmenti quand'eddi adoprani à lingua incù certi profissori...

Ancu smurtulita faci sempri a paura a lingua.

Ma soprattuttu, ciò chì hè u peghju hè chì sta pulitica linguisticida chì dura sempri oghji hè stata una riescita è ùn si pò micca cuntà nantu à u Statu pà favorizà a lingua. Ci tocca à noi à ùn lintà micca, à ùn lintà mai.

U profissori BLANCHET ci hà datu calchì punti da metta in risaltu ind'è a nostra rivendicazioni. A parlatu di a discriminazioni di i lingui, i dritti ind'a nostra lingua d'identità, u valori d'attacamentu di a lingua... ma dinò di a nicissità di ripiglià i testi internaziunali pà appughjà i nostri dumandi.

Ciò ch'e vogliu ritena, eiu, hè a nicissità di metta in piazza una vera pulitica linguistica, quì, da par noi. Davanti à l'adesioni di u populu, a so brama, vulemi una vulintà forti di l'istituzioni.

Ancù s'e a scola devi riparazioni pà ciò ch'edda hà fattu contr'a à la lingua, ancu s'eddu hè u locu più favurevulu pà a ripresa di a lingua, ùn bastarà. Ci voli un effettu di movimentu cullettivu. A nostra azzioni devi essa nantu à tutti i lati di a suciità.

Sta mandatura, aparta trè anni fà ùn hà micca parmessu stu saltu di qualità à prò di a lingua. Stu biotu ci faci rinculà, stu tempu persu ùn si pudarà più rimpatà.

Ùn hè un travagliu cuncretu di parlà di a lingua, di fà audizioni s'e nunda ùn avanza ! A nostra inazzioni hè cumparevuli à colpi murtali. Noi, ùn vulemi essa culpevuli, vulemi agiscia.

Diagnostichi, misuri, bilanci, mezi finanziari, uffiziu di a lingua, ... ùn aspittemi più u Statu, ùn aspittemi un evoluzioni stituzionali.

Pà sta lingua chì devi fà nazioni, semi pronti a metta infini in piazza una vera pulitica linguistica ?

Ch'aspittemi dipoi trè anni ?